

Incumbensa Schwärzel concernent l'adattaziun dal «Standard grischun» per la scola

La Federaziun grischuna «Chasas ed ospitals» (FCO) ha sviluppà l'onn 2011 il «Standard grischun» – in manual practic che cuntogna standards fundamentals per registrar e per tractar surpassaments da cunfin tranter uffants e giuvenils sco er tranter uffants/giuvenils e persunas spezialisadas. Surpassaments da cunfin pon uschia vegnir registrads, validads ed attribuids a differentas categorias da grevezza. Las mesiras internas ed externas definidas dattan a tut las persunas participadas segirezza en lur agir. Il proceder transparent sustegna in agir professional ed er preventiv en cas da surpassaments da cunfin. Il «Standard grischun» è oz in instrument che vegn duvrà savens en Svizra e che ha chattà in vast resun positiv. Uschia stat a disposiziun oz in instrument fitg practic che po vegnir adattà bain per autras gruppas da persunas.

Ensemen cun ils auturs dal «Standard grischun» ha l'uniun «IG Kinder schützen» preschentà a las trais autoritads da scola Associaziun dals cussegls da scola dal Grischun (ACSG), Federaziun da mainascolas dal Grischun (FMSG) e Magistraglia Grischun (LEGR) l'idea d'adattar cuminaivlamain il «Standard grischun» per il diever en scola. L'idea ha chattà in resun positiv, uschia ch'ina grupp da lavur – sut la direziun dal president da la FMSG – ha ussa cumenzà ad elavurar l'adattaziun ed a rediger in «Standard grischun per la scola».

Mancar manca anc l'integraziun dals posts chantunals en la grupp da lavur. L'Uffizi per la scola populara ed il sport ha refusà ina dumonda, perquai ch'il chantun n'haja – cuntrari a l'elavuraziun dal Standard grischun da quella giada cun la FCO – betg l'incarica u la basa legala per quest intent.

Questa incarica – che manca actualmain anc – duai vegnir surdada qua tras al chantun. Il bainstar da l'uffant sto star en il focus da nossa societad. Per dar al «Standard grischun per la scola», ch'è actualmain en elavuraziun, la vigur necessaria dovri l'integraziun dal chantun. Las federaziuns han lantschà il project da sut ensi. Ussa giavischan ellas in accompagnament professional tras l'Uffizi per la scola populara ed il sport sco er in sustegn tar l'elavuraziun e tar la distribuziun suandanta.

Il chantun vegn incumbensà d'accompagnar professionalmain il project «Standard grischun per la scola», da promover quest project e da sa participar als custs da tal.

Cuira, ils 28 d'avust 2020

Schwärzel, Kasper, Favre Accola, Atanes, Baselgia-Brunner, Bettinaglio, Brandenburger, Buchli-Mannhart, Cahenzli-Philipp, Cantieni, Caviezel (Cuira), Danuser, Degiacomi, Della Cà, Deplazes (Rabius), Ellemunter, Föhn, Gartmann-Albin, Gugelmann, Hardegger, Hartmann-Conrad, Hitz-Rusch, Holzinger-Loretz, Jochum, Kohler, Loepfe, Maissen, Müller (Favugn), Perl, Preisig, Rettich, Ruckstuhl, Rutishauser, Schmid, Thomann-Frank, Tomaschett-Berther (Trun), Ulber, von Ballmoos, Wilhelm, Bürgi-Büchel, Sigron, Spadarotto, Tomaschett (Cuira)